



Ebazpena, 2022ko azaroaren 4koa, Hezkuntzako Sailburuordearena, araubide bereziko irakaskuntzen gradu ertaineko ziklorako berariazko sarbide-probetarako deia egiten duena Kirol Teknikariaren eta Goi-mailako Kirol Teknikariaren titulazio ofizialak eskuratzeko.

Hezkuntzako Kalitatea Hobetzeko abenduaren 9ko 8/2013 Lege Organikoak aldatutako maiatzaren 3ko 2/2006 Lege Organikoak, hezkuntzari buruzkoak, 64.5 artikuluan zehazten duenez, Gobernuak, Autonomia-erkidegoei kontsultatu eta gero, kirol-irakaskuntzetako ikasketei dagozkien titulazioak; berorietako bakoitzaren curriculumaren oinarrizko aldeak; eta zentroek kirol irakaskuntzak emateko gutxieneko betebeharrak ezarriko ditu.

Geroago, aipatutako Lege Organikoa garatuz, Araubide bereziko kirol irakaskuntzaren antolaketa orokorra ezarri eta, besteen artean, irakaskuntza horietara sartzeko bidea arautzen duen urriaren 24ko 1363/2007 Errege Dekretua eman zen. Horrela, ikasketak egin nahi duenak baldintza orokorrak betetzeaz gain, kirol arloko baldintza espezifikoak ere bete beharko dituela ezartzen du, eta baita azken hau egiaztatzeko proba espezifiko bat gainditu beharko dela ere, lurralde nazional osoan balioa izango duena.

Beraz, egokia dirudi Hezkuntza Administrazio honek, EAEn esparruan, Araubide Bereziko Kirol-irakaskuntzetara sartzeko probetarako deialdia egitea, izangaiek sartzeko baldintzak modu homogeneoan betetzen dituztela bermatzeko eta proba horiek gainditzeak Estatu osoan balioa izango dutela bermatzeko.

Horrela, Hezkuntzako Sailburuordeak honako hau

EBATZI DU:

Lehena.- Xedea eta aplikazio-eremua.

1. Ebazpen honen bidez, Kirol Teknikariaren eta Goi-mailako Kirol Teknikariaren tituluak eskuratzeko ikasketak egiteko sarbide-proben deia egiten da EAEn, I. ERANSKINEAN adierazitako kirol-modalitate eta ikasturteetarako.
2. Sarbide-proba hauen antolaketa Durangoko CPED KIROLENE Kirol Ikasketako Ikastetxe Publikoak egingo du.

Bigarrena.- Hartzaileak.

1.- Baldintza akademikoak betetzen dituzten ikasleak.

- a) Irakaskuntzen maila ertaineko lehengo mailara sartzeko, Derrigorrezko Bigarren Hezkuntzako Graduatuaren titulu edo ondorio akademikoetarako baliokidea den beste titulu bat behar da, baita bosgarren puntuan ezarritako berariazko sarbide proba gainditzea ere. Goi-mailan sartu ahal izateko



beharrezkoa izango da Batxilergo titulua edo ondorio akademikoetarako baliokidea eta dagokion modalitateko Teknikari titulua, gainera, horrela badagokio, bosgarren puntuan ezarritako berariazko sarbide proba gainditzea ere.

- b) "Mendi eta eskalada" modalitatean, Irakaskuntzen maila ertaineko Arroiletako eta Eskaladako espezialitateetako bigarren mailara sartzeko, beharrezkoa da egiaztatzea mendi-ibiltaritza espezialitateko maila ertaineko lehenengo maila gaindituta dagoela, eta gainera, bosgarren puntuan ezarritako berariazko sarbide probak gainditzea ere.

Zaldiketa modalitatearen kasuan, bere edozein diziplinatako erdi-mailako irakaskuntzetako bigarren mailara sartzeko modalitateko erdi-mailako lehen maila gaindituta duela egiaztatu beharko da, eta, era berean, bosgarren puntuan ezarritako sarbide-proba espezifikokoak gainditu beharko dira, kirol-espezialitate bakoitzari dagozkionak.

- c) 1363/2007 Errege Dekretuaren hamabigarren Xedapenean Gehigarrian aipatzen diren baldintzetako bat egiaztatzen bada, nahikoa izango da sartzeko, izan ere, aurreko a) puntuan aipatutako baldintza akademikoaren balioa izango du.

2.- Derrigorrezko Bigarren Hezkuntza, Batxilergo edo baliokideak Baldintza akademikoak betetzen ez dituzten ikasleak.

Aurreko atalak ezarritakoa gorabehera, adin-baldintzak bete eta araubide bereziko kirol irakaskuntzen antolamendu orokorra ezartzen duen urriaren 24ko 1363/2007 Errege Dekretuaren 31.artikuluaren zehaztutako baldintza akademikoak ordezkatzeko dituen heldutasun-proba gainditzen duten ikasleek ere izango dute irakaskuntzotan sartzeko.

Hirugarrena.- Sartzeko proba eta betebeharretatik salbuespena.

1.- Hezkuntzari buruzko maiatzaren 3ko 2/2006 Lege Organikoaren 67 eta 85 artikuluetan eta urriaren 15eko 10/1990 Kirol Legearen 53 artikuluan zehazten denaren arabera, goi-mailako kirolaria edo errendimendu handiko kirolaria dela egiaztatzen duena salbuetsita egongo da kirol-irakaskuntza hauetara sartzeko behar diren baldintza espezifikoetatik.

2.- 1363/2007 Errege Dekretuaren bigarren Xedapen Iragankorrari jarraituz, abenduaren 19ko 1913/1997 Errege Dekretuaren babesean ezartzen diren titulu eta irakaskuntzen modalitate eta espezialitate berriak sortu artean, irakaskuntza hauetan sartzeko proba espezifikokoak egiteak salbuetsita egongo dira aipaturiko xedapenean zehazten diren kasuetan dauden pertsonak.

3.- Ebazpen honen bidez deitutako probaren batean izena eman duten izangaiak, aurreko bi ataletan aipatutako baldintzarik betetzen badituzte, epaimahai ebaluatzaile eta antolatzaileari eskatu ahal izango dio proba espezifikoa egiteaz salbuetsita egotea, eta, horretarako, beharrezko egiaztagiria aurkeztu beharko dituzte.



Laugarrena.- Sarbide-proba egokituak urritasunak edo ezintasunak egiaztatzen dituztenentzat.

1.- Pertsona urritu edo ezinduek eskabideak egiten badituzte kirol-teknikariaren tituluari dagozkion irakaskuntzetan sartzeko, erakunde eskumendunek emandako minusbaliotasun-ziurtagiriak aurkeztu beharko dituzte.

2.- 1363/2007 Errege Dekretuaren hirugarren Xedapen Gehigarria betez, eta hala egokituz gero, Hezkuntza, Hizkuntza Politika eta Kultura Sailak pertsona adituena laguntza edo txostenak eskatu ahal izango ditu epaimahaiak izangaien urritasun-maila edo mugak aztertu, eta irakaskuntzak atarramentu onez egiteko, ziklo bakoitzari dagozkion gaitasunak lortu eta lanean aritu ote daitezkeen baloratzeko.

3.- Epaimahai horrek, bidezko iritziz gero, egokitu egingo ditu aipatu egoeran dauden izangaiek gainditu beharreko berariazko sarbide-probak; nolana ere, errespetatu egingo dira Oinarrizko Araubidean ezarritako helburu orokorren funtsa eta helburuak.

Bostgarrena.- Berariazko probak.

1.- Helburua eta egitura.

Kirol-teknikariaren eta Goi-mailako Kirol teknikariaren irakaskuntzetara sartzeko proben helburua da izangaiek frogatzea egoera fisiko egokia eta berariazko trebeziak dituztela, aukeratu duten prestakuntzari atarramentu ona ateratzeko beste, alegia.

2.- Probak

Modalitate bakoitzeko probaren edukiak eta ebaluazio-irizpideak, dagokion irakaskuntzaren oinarrizko araudiak ezarritakoa izango da, II. ERANSKINEAN adierazten da araudia.

Seigarrena.- Azken ebaluazioa

Probetan «gai» edo «ez-gai» kalifikazioak emango dira soilik. Sarbide-probaren zati bakoitza gainditu beharko dituzte izangaiek «gai» kalifikazioa ateratzeko.

Zazpigarrena.- Berariazko probak egin eta berariazko betebeharrak baloratzeko epaimahaia.

1.- CPED KIROLENE KIIP ikastetxe antolatzaileak modalitate edo espezialitate bakoitzeko proposatuz, Hezkuntza Berritzatzeko zuzendariak izendatutako epaimahaia arduratuko da probak antolatu, kontrolatu eta ebaluatzeaz.



2.- Ikastetxe horrek aurkeztu behar izango du, Hezkuntza Berriztatzeko zuzendaritzan, epaimahaikideen zerrendaren proposamena modalitate edo espezialitate bakoitzeko, I. Eranskinean iragarritako data baino lehenago eta III. eranskinean adierazitako eredia erabiliz.

3.- Epaimahaiaren osaketa II. eranskinean adierazten den oinarritzko araudi erregulatzailerak ezarritakoaren arabera izango da

4.- Epaimahaiburuak bermatuko du sarbide-probak oinarritzko araudiak ezarritakoaren arabera egingo direla.

5.- Idazkariak egingo ditu proben aktak, baita proben garapena Ebazpen honek ezarritakoaren arabera egin dela ziurtatu ere. Epaimahaiburua ez dagoenean, haren ordezkoa izango da.

6.- Ebaluatzaileek modu independentean baloratuko dituzte probak, kasuan kasuko irizpideei jarraituz eta oinarritzko araudiak adierazitako titulazioa eduki beharko dute, II. eranskinean adierazten den araudia alegia.

7.- Epaimahaiak proposatuta, beharrezko aholkulariak izendatuko dira, dagokion espezialitatekoak.

8.- Epaimahaiak sarbide-probak martxan ipintzean sortu eta hauen garapenean eman ahal diren gorabehera teknikoak zein logistikoak ezagutu eta konpondu behar ditu. Era berean epaimahaiak sarbide-proben garapenarekin erlazio zuzena duten ebazpen honen edukien alderdietan bere irakurketa egiteko gaitasuna du, baita oinarri arautzailean aurreikusita ez dauden lehen aipatutako gorabehera buruzko egoeratan ere.

Edozelan ere, epaimahaiak, eta beste Administrazio publikoko mendeko organo guztiak, gure ordenamendu juridikoan indarrean dauden araudietan agertzen diren prozedura administratiboen printzipio orokorrak bete behar dituzte.

Zortzigarrena.- Sarbide-probarako izena ematea. Epea eta tokiak.

1.- Probetan izena emateko, horretarako berariaz ezarritako prozedurari jarraituko zaio.

2.- Probetan izena emateko epeak I. Eranskinean adierazitakoak dira, bertan ageri diren hasierako eta amaierako egunak barne daudelarik.

3.- Sarbide-probarengatik ordaindu beharreko prezio publikoa izena emateko unean indarrean dagoen Hezkuntza Sailak ematen dituen zerbitzuengatik prezio publikoak finkatzen Aginduan zehaztutakoa izango da.

Prezio publikoa ordaintzetik salbuetsita ez dauden eskabideak onartzeko, epearen barruan ordaindu beharko dira.



4.- Ebazpen honetan deitutako modalitateetako batean izena emanaz gero, modalitate horretarako antolatuko diren probetatik bakar bat egin ahal izango da.

5. Probarako onartutakoen behin-behineko zerrenda CPED KIROLENE KIIPko iragarki-taulan eta haren webgunean: (<http://www.kirolene.hezkuntza.net>) argitaratuko da modalitate bakoitzerako,

6.- Behin-behineko zerrenda argitaratu ondoren, izangaiak 2 eguneko epea izango du erreklamazioa egiteko, argitaratu eta hurrengo egunetik aurrera. Erreklamazio hori idatziz aurkeztuko da bai ikastetxeko idazkaritzan edo bai berariaz ezarritako sistema jarraituz.

7.- Erreklamazioak aurkezteko epea amaituta, behin betiko zerrenda iragarki-taulan eta CPED KIROLENE KIIPren webgunean jarriko da, hurrengo bi egunak baino lehen.

8.- Desadostasunik izanez gero, izangaiak gora jotzeko errekurtoa aurkeztu ahal izango du Ikastetxe eta Plangintza Zuzendaritzari bideratuta, hilabeteko epean behin betiko zerrendak argitaratu eta hurrengo egunetik aurrera.

Bederatzigarrena.- Sarbide-proba egiteko toki-egunak.

1.- Proben ordutegiak eta tokiak CPED KIROLENE KIIP ikastetxeko iragarki oholean eta bere web-gunean argitaratuko dira aurretiaz.

2.- Proba egiteko tokian ikasleak bere burua identifikatu beharko du baliozko egiaztagiriarekin.

Hamargarrena.- Probaren emaitzak argitara ematea eta erreklamazioak aurkeztea.

1.- Behin-behineko emaitzak argitara emateko tokiak: CPED KIROLENE KIIP ikastetxe antolatzailearen iragarki-oholean eta web orrian.

2.- Hartutako ebazpenarekin bat ez badator izangaia, kalifikazioak erreklamatzeko prozedura honi jarraituko zaio:

2.1.- Behin-behineko emaitzak CPED KIROLENE KIIP ikastetxe antolatzailearen iragarki-oholean eta web orrian argitaratu direnetik hurrengo bi eguneko epearen barruan, izangaiak egin ahal izango du behin-behineko emaitzaren aurkako erreklamazioa. Erreklamazioa epaimahaiburuari aurkeztuko zaio, ikastetxeko idazkaritzak luzatutako berariazko eredia erabiliz.

2.2. Erreklamazio epea agortu eta ondorengo bi egunetan behin betiko emaitzak argitaratuko dira CPED KIROLENE KIIP ikastetxearen iragarki-oholean eta web orrian.



2.3.- Izangaiak, hartutako erabakiarekin ados egon ezean, behin betiko emaitzak argitaratzen direnetik eta hilabeteko epean gora jotzeko errekurtsua aurkeztu dezake Hezkuntza Berriztatzeko Zuzendaritaren aurrean.

Horrela hartuko den azken ebazpena behin betikoa izango da, eta administrazio-bidea agortuko du.

Hamaikagarrena.- Probaren balioa eta ziurtapena.

1.- Proba gainditu duen horren ziurtagiri ofiziala eman diezaiotela eskatu ahal izango du, Estatu osorako balioko duena.

2.- Inola ere ez da emango proben zatietako bat gainditu izanaren ziurtagiririk.

3.- Berriazko proba gainditu izanak oinarrizko araudian ezarritako iraupena izango du, probak amaitzen direnetik kontatzen hasita.

Xedapen gehigarria.- Ikasleak onartzea.

1.- Berriazko proben behin betiko emaitzak argitaratu eta gero, "Gai" emaitza lortu duten izangaiak onartze eskaera luzatu ahal izango dute aukeratutako ikastetxean, bere matrikula egutegia eta hezkuntza-eskaintzaren arabera. Onartze ikastetxe horretan egiaztatu behar izango dira dagokion modalitaterako eskakizun orokorrak eta berriazkoak.

2.- Eskaintako plazak gehiago badira sarbide-probak gainditutako ikasleak baino, oinarrizko legedian ezarritako onarpen-irizpideak erabiliko ditu ikastetxeak.

Vitoria-Gasteiz, 2022eko azaroaren 4a

HEZKUNTZAKO SAILBURUORDEA
Izpta.: Begoña Pedrosa Lobato



I. ERANSKINA

Izenemateen eta proben ikastetxe antolatzailea	Araubide Bereziko Kirol Ikasketen berariazko Sarbide Proba	Ikasturtea	Zena emateko epea	Ikastetxe eta Plangintza zuzendaritzara mahaikide proposamena bidali ¹
CEPD KIROLENE KIIP (Durango)	Gradu Ertaineko 1. zikloa, Neguko Kirolak	22-23	2022-12-19tik 2023-01-30era	2022-12-19a baino lehen
	Goi-mailako Goi-mendia	22-23	2022-11-15etik 2022-12-16ra	2022-11-15a baino lehen
	Gradu Ertaineko 1.zikloa, Bela Aparailuarekin	22-23	2022-11-18tik 2022-12-16ra	2022-11-18a baino lehen
	Gradu Ertaineko 1.zikl, urpekaritza Eskafandrarekin	22-23	2022-12-05etik 2023-01-9ra	2022-12-05a baino lehen
	Gradu Ertaineko 1.zikloa, Futbola eta Areto-futbola	22-23	2022-12-12tik 2023-01-12ra	2022-12-12a baino lehen
	Gradu Ertaineko 1.zikloa, Eskubaloia	22-23		
	Gradu Ertaineko 1.zikloa, Futbola eta Areto-futbola	23-24	2023-04-26tik 2023-05-25era eta 2023-07-03tik 2023-09-07ra arte	2023-04-26a baino lehen
	Gradu Ertaineko 1.zikloa, Eskubaloia			
	Gradu Ertaineko 1.zikloa, Atletismoa			
	Gradu Ertaineko 1.zikloa, Salbamendu eta Sorospena			
Gradu Ertaineko 1.zikloa, Saskibaloia				
Gradu Ertaineko 1.zikloa, Piraguismoa	23-24	2023-05-09tik 2023-05-31era eta 2023-08-08tik 2023-09-05era arte	2023-05-09a baino lehen	
Zaldiketa (GEko 1.zikl, GEko azken zikl, Goi-maila)	23-24	2023-08-21tik 2023-09-17ra	Antes del 21-09-2023	
GEko 1.zikl, Mendi-ibiltaritza eta GE azken zikl: Eskalada/ Arroilak/ Ertain mendia	23-24	2023-03-31etik 2023-04-28ra	2023-03-31a baino lehen	

¹ El centro CEPD KIROLENE KIIP propondrá a los miembros del tribunal y la Dirección de Centros y Planificación procederá a su nombramiento





II. ERANSKINA

Kirol Teknikari modalitatea	Oinarrizko Arautegia	Epaimahaikideak	Sarbide probaren edukia
Mendi eta Eskalada	702/2019 Errege Dekretua (2020-01-10eko BOE)	702/2019 EDko 36. Artikulua	702/2019 EDko X, XI, XII eta XIII Eranskinak
Mendi eta Eskaladako Goi-mailako Teknikari titulua	701/2019 Errege Dekretua (2020-01-10eko BOE)	701/2019 EDko 23. Artikulua	701/2019 EDko VII Eranskina
Neguko kirolak	319/2000 Errege Dekretua (BOE de 28-03-2000) 172/2010 Dekretua (2011-07-28ko EHAA). Akatsen zuzenketa (2012-11-26ko EHAA)	II Eranskin, 3. Atala (319/2000 EDa)	319/2000 EDko II. Eranskina
Atletismoa	669/2013 Errege Dekretua(2013-10-02ko BOE)	669/2013 EDko 23. artikulua	669/2013 EDko VII. Eransk.
Saskibaloia	980/2015 Errege Dekretua (2017-05-29ko BOE)	980/2015 EDko 24. artikulua	980/2015 Errege EDko VII. Eranskina
Eskubaloia	900/2021 Errege Dekretua (2021-11-06ko BOE)	900/2021 EDko 24. artikulua	900/2021 EDko VII. Eransk.
Futbola eta Areto-futbola	320/2000 Errege Dekretua (2000-03-29ko BOE) 129/2004 Dekretua (2004-12-02 EHAA)	II Eranskin, 3. Atala (320/2000 EDa)	320/2000 ED II. Eranskina
Salbamendu eta sorospen	878/2011 Errege Dekretua (2011-07-22ko BOE)	878/2011 EDko 25. artikulua	878/2011 EDko VII. Eransk.
Zaldiketa, Teknikari titula	933/2010 Errege Dekretua (2010-08-31ko BOE)	933/2010 EDko 29. Artikulua	933/2010 EDko VIII. Eransk.
Zaldiketa, Goi-mailako Teknikari titulua	934/2010 Errege Dekretua (2010-08-31ko BOE)	934/2010 EDko 20. Artikulua	934/2010 ED VI. Eranskina
Bela aparailuarekin	935/2010 Errege Dekretua (2010-08-31ko BOE)	935/2010 EDko 28. art	935/2010 EDko VIII. Eransk.
Urpeko Igeriketa Eskafandrearekin	932/2010 Errege Dekretua (2010-08-31ko BOE)	932/2010 EDko 25. art	932/2010 EDko VII. Eranskina
Gradu Ertaineko 1. maila, Piraguismo	981/2015 Errege Dekretua (2015-11-25eko BOE)	981/2015 EDko 33. Art	981/2015 EDko IX. Eranskina



III. ERANSKINA

KIROL IRAKASKUNTZETARAKO SARBIDE PROBETAKO EPAIMAHAIKIDEAK IKASTETXE ETA PLANGINTZA ZUZENDARIAK IZENDATZEKO PROPOSAMENA.

MODALITATE/ ESPEZIALITATEA: _____

Izen Abizenak	Identifikazio Zenbakia	Kargua ²	Egiaztatutako titulazioa ³

_____ en, 20__ (e)ko _____ ren _____ an

CPED KIROLENE KIIP Ikastetxe Publikoaren zuzendaria (sinadura eta zigilua)

² Mahaiburua / idazkaria / ebaluatzailea / aholkularia.

³ Epaimahaikide ebaluatzaileen kasuan